



*I ladins dominëia cuntra le Uttenheim y ti pita al publich na partida rica de ocapiuns.*

Val menüt por se studié jö la formaziun pustra y al 10<sup>^</sup> é Samuel Winkler che sblochëia le resultat: Stefan se fej lerch da na pert y preparëia amez por l'atacant che spizurëia le palé te porta. Al 17<sup>^</sup> é le sogadú amez Christian che se delibrëia al limit por fa pié ia na gran trata te ciamp, le curan rebat indere sön le ciantun alt de porta. I ghesc stënta a se sbloché y i ladins anüza le momënt, al 25<sup>^</sup> él Stefan che pëia ia cuntra porta y carichëia la trata al limit, tl'ultim vëgn le palé devié dal defensur mo röia te porta por le 2 a 0. Dan la fin dl pröm tëmp concretisëia ciamó Samuel üna dles döes aziuns costruides: Marco S. ti sciampa al defensur y preparëia amez, l'atacant pro la trata a giré söl pé lunch mo le curan röia de püch sura fora. Püch dô, plö avisa al 40<sup>^</sup> vëgn le curan alzé da na pert cuntra porta, chësc iade se presentëia Samuel sú dan porta y á ma plö bria de apogé de cé tla rëi.

**Le pröm tēmp se stlūj jō sōn le 3 a 0 por La Val.**

Tla prōma cherd'ora tl secundo tēmp é le Uttenheim plö determiné, la defenjiun ladina à val dificolté a se defēnn mo plö ch'intan ne é i palés nia prigorusc. La partida se osc tosc y La Val pro de mēt al sigü le resultat, bëgn trëi iadi rōia i atacanc cuntra porta y preparëia amez por i cumpagns, chisc indere ne rōia nia denant a rebat in tēmp te porta. Le gol che ti taia les giames ai pustri rōia spo al 70<sup>^</sup>, Marco S. crossëia alt amez, Max rōia por pröm y rebat sēch de cé cuntra le set de porta, na bela aziun che ti porta le cuarto gol ai ladins. Al 80<sup>^</sup> pro ciamó Franz de segné, al controlëia bun le palé alt sorví dal mezciamp, sú dan le portier veghel na trata bassa che rebat cuntra le pé de porta. Ti ultims menüc de jüch ne pordüj nia i aversars a remunté le lerch svantaje. Plajei à ince fat udëi indo Michele Campeï sōn le ciamp, do la lungia assēnza a gauja de na destrata ai liamēnc dla ciaidla. I ladins pó ester capazi por la buna prestaziun y le resultat, che ti da nōia forza por les ultims dōes partidas de campionat y por defēnn la posiziun de tlassifica.

**La Val – Uttenheim 4-0**

**Formaziun La Val:** 1. Josef Kantioler, 2. Luca Pescollderung (dal 70<sup>^</sup> Martin Ploner), 3. Werner Sottara, 4. Paolo Vallazza, 5. Marco Castlunger, 6. Christian Dapoz, 7. Marco Sottara (dal 75<sup>^</sup> Felix Nagler), 8. Max Nagler (dal 75<sup>^</sup> Michele Campeï), 9. Samuel Winkler (dal 75<sup>^</sup> Alexander Miribung), 10. Stefan Sottara - capitan, 11. Franz Tolpeit (dal 80<sup>^</sup> Adrian Miribung)

**Goi por La Val:** Samuel Winkler al 10<sup>^</sup> y al 40<sup>^</sup>, Stefan Sottara al 25<sup>^</sup> y Max Nagler al 70<sup>^</sup>

**Proscima partida:** *In domënia ai 21 de mà dales 16:00 sön le ciamp dl San löre cuntra la squadra dl San löre lunior.*

**Atri resultac:**

*Juniors (Val Badia): Latzfons Verdings– Val Badia: 3-2*

*Jogn A (La Val): La Val – Porsenù: 3-4*

*Jogn B (La Val): Freienfeld – La Val: 0-2*

*U11 (La Val/San Martin): La Val/San Martin – Kronteam vërd: 1-3*

*U8 (La Val)*

torné a Stegen: La Val – Latzfons/Verdings vërd : 7-1 / Latzfons/Verdings cöce – La Val: 0-1 /  
Reischach brüm – La Val: 1-4